

## **Peqqinnissaqarfimmi sullissinernut akiliutit pillugit kaajallaasitaq**

Peqqinnissaqarfimmi sullissinerit atuisullu akiliuteqartarnerat pillugit nalunaarut nr. 5, 15. februar 2006-imeersoq naapertorlugu tulliuttut aalajangersarneqarput:

### **Kapitali 1**

#### *Uninnganermut ullormut akiliutissaq*

§ 1. Unitsitsinermi akilerneqartussaasuni imaluunniit peqqinnissaqarfiup peqqissaaviini unnuiffiusinnaasuni inissiinerni allani, uninnganermut ullormut aallartittumut ima akiliisitsisoqassaaq, tak. nalunaarummi § 2, imm. 1, nr.1, aamma imm. 2:

1) Nakorsartittunut, tarnikkut nappaatilinnut aamma pilatsittunut immikkoortortaqrarfiit, Dronning Ingridip Napparsimmavissua,

nunap immikkoortuini peqqinnissaqarfiit peqqissaaviillu 17.500,00 kr.

2) Peruluttunut immikkoortortaqrarfiit, Dronning Ingridip Napparsimmavissua 35.000,00 kr.

3) Risskovimi tarnikkut nappaatilinnut immikkoortortaqrarfiit 7.000,00 kr.

4) Paaqqutarisariallit, nunap immikkoortuini peqqinnissaqarfiit peqqissaaviillu 2.400,00 kr.

5) Paaqqutarisariaqarnerusut peqqinnissaqarfiit peqqissaaviillu 6.000,00 kr.

6) Paaqqutarisariallit, Dronning Ingridip Napparsimmavissua 3.000,00 kr.

7) Paaqqutarisariaqarnerusut, Dronning Ingridip Napparsimmavissua 7.000,00 kr.

*Imm. 2.* Imm. 1, nr. 1-3-mi uninnganermut ullormut akiliutinik matussuserneqarput, unnuineq aamma tamakkiisumik nerisaqarneq kiisalu paaqqutarineqarnerit attuumassuteqartut nakorsanillu nakkutigineqarneq.

*Imm. 3.* Imm. 1, nr. 4 aamma 6-imi uninnganermut ullormut akiliutinik matussuserneqarput, unnuineq aamma tamakkiisumik nerisaqarneq kiisalu paaqqutarineqarneq nalinginnaasoq.

*Imm. 4.* Imm. 1, nr. 5 aamma 7-imi uninnganermut ullormut akiliutinik matussuserneqarput, unnuineq aamma tamakkiisumik nerisaqarneq kiisalu immikkut paaqqutarineqarneq.

### **Kapitali 2**

#### *Napparsimasunik angallassinert aamma angallassigasuarnerit*

§ 2. Ingiallorteqarluni ingiallorteqaraniluunniit napparsimasut angalanerat akiligassatigut akilerneqartarput.

*Imm. 2.* Isumaqatigiissutini allamik imaluunniit suliassaqarfimmi aqqissuussinerni allani atuuttuni allatut allassimasoqanngippat napparsimasut angalanerat akiligassatigut akilerneqartarpoq.

### **Kapitali 3**

#### *Peqqissaanermut misissuinerimullu aningaasartuutit*

§ 3. Peqqinnissakkut misissuinerit, unitsitsilluni imaluunniit unitsitsinani peqqissaanernut paaqqutarinninnernulluunniit atatillugu aningaasartuutit akii nalunaarummi § 2, imm. 1, nr. 2, aamma imm. 3 naapertorlugit uninnganermut ullormut akiliutissami ilanngunneqartut saniatigut

tunniunneqartut, tak. § 1, Rigshospitalip qaffassissumik immikkut ilisimatusarfiusimasumik peqqissaanernut akigititaanut naatsorsorneqassapput.

*Imm. 2.* Napparsimasunut unitsinneqangitsunut unitsitanullu peqqissaanikkut misissuinerit aamma peqqissaanernut akiusut tiimimut akitut aalajangersarneqarput, tamatumani akunnerup affaa qaangiukkaangat akiusut qummut akunnaallillugit amerlisinneqartarlutik. Minnerpaamik akiusoq 1 tiimimuusuaannassaaq:

- |   |            |
|---|------------|
| 1) Nakorsap sullissineri, nakorsap atorfia apeqqutaatinnagu | 950,00 kr. |
| 2) Paaqqutarinninnerit, sulisorisat apeqqutaatinnagit       | 550,00 kr. |
| 3) Portørit ikiortillu allat                                | 350,00 kr. |
| 4) Kigutip nakorsaata sullissineri                          | 750,00 kr. |

*Imm. 3.* Teknikikkut allaffissornikkut sulisunik atuinerit imm. 1-imi akinut taaneqartunut ilaasutit isigineqassapput immikkullu naatsorsorneqassanatik.

*Imm. 4.* Imm. 2-mi akiusut ulluinnarni nal. 08-16-mut atuupput.

Akiusut ulluinnarni nal. 16-22-mut aamma arfininngornerni nal. 08-22-mut 50 %-imik qaffanneqartarput.

Akiusut ulluinnarni nal. 22-08-mut kiisalu sapaatini nalliuttunilu 100 %-imik qaffanneqartarput.

#### **Kapitali 4**

*Dronning Ingridip Napparsimmavissuani, nunap immikkoortuini napparsimmavinni, peqqissaavinni aamma taakkunani napparsimasut akunnittarfianni, Kalaallit Peqqissartut Illuanni il.il. unnuinerit akilerneqartussaasut*

§ 4. Napparsimasumut ingiaqataasumut imaluunniit qanigisaasunut unnuinerit akilerneqartussanik tunniussisoqarpat, akiusut tulluittut akileqquneqassapput, tak. nalunaarummi § 4:

1) Dronning Ingridip Napparsimmavissuani, nunap ilaani napparsimmavinni, peqqissaavinni aamma napparsimasut akunnittarfianni imaluunniit sumiiffimmi allami napparsimmavimmit innersuussutigineqartumi siniffimmi imaluunniit nalaasaarfimmi unnuineq:

- |  |              |
|--|--------------|
| a) Inersimasut   | 575,00 kr.   |
| b) Meeqqat 12-it ataallugit ukiullit   | 357,00 kr.   |
| 3) Danmarkimi Kalaallit Peqqissartut Illuanni imaluunniit sumiiffimmi allami peqqissartut illuannit innersuussutigineqartumi inissiineq: |              |
| a) Inersimasut - siniffik  | 903,00 kr.   |
| b) Inersimasut - nalaasaarfik  | 511,00 kr.   |
| c) Meeqqat 12-it ataallugit ukiullit - siniffik  | 662,00 kr.   |
| d) Meeqqat 12-it ataallugit ukiullit - nalaasaarfik  | 270,00 kr.   |
| e) Ineraq, qaammammut  | 6.500,00 kr. |

*Imm. 2.* Peqqinnissaqarfimmi aamma napparsimasut akunnittarfiini, il.il. imm. 1 nr. 1 aamma nr. 2 naapertorlugit unnuinerit akiliutini ullaakkorsiornerit ilaapput.

*Imm. 3.* Kalaallit Peqqissartut Illuanni il.il. imm. 1, nr. 3, litra a - d naapertorlugit inissinnermut akimut ilaapput, ullormi ataatsimi tamakkiisumik nerisaqarneq. Ullaakkorsiutaanaat kissaatigineqarpata aki inersimasunut 100,00 kr.-imik meeqqanullu 12-t ataallugit ukiulinnut 50,00 kr.-inik annikillineqassaaq.

*Imm. 4.* Imm. 1, nr. 3, litra e naapertorlugu inissiinnermut nerisaqarneq ilaanngilaq. Ullaakkorsiornissaq kissaatigineqarpat pisiarineqarsinnaapput, inersimasumut 25 kr.-imik meeqqamullu 12-it ataallugit ukiulinnut 10 kr.-imik akeqarlutik. Ullup-qeqqasiutit aamma unnukkorsiutit pinerit tamaasa inersimasumut 50 kr.-imik kiisalu meeqqamut 12-it ataallugit ukiulinnut 25 kr.-imik akeqarput.

*Imm. 5.* Meeqqanut ukioqanngitsunut ataatsimillu ukiulinnut akiliisitsisoqarneq ajorpoq.

§ 5. Napparsimasut unitsinneqanngitsut illoqarfimmit imaluunniit nunaqarfimmit allameersut, nalunaarummi napparsimasup najugaqarfimmi avataani misissortinnermut aamma peqqissartinnermut tunniunneqartut naapertorlugit akeqanngitsumik nerisaqarsinnaatitaallutillu ineqarsinnaatitaasut, pissutsit naapertorlugit ullormut akiliuteqarlutik immikkut ineqarnissamut neqeroorfigineqarsinnaapput. Ullormut akiusoq 250,00 kr.-inut aalajangiunneqarpoq, tassungalu ilaapput nerisaqarneq, ineqarneq angallanneqarnerlu.

### **Kapitali 5**

#### *Atornerluinnermut katsorsartinneq*

§ 6. Hashimik, imigassamik aalakoornartulimmik pinnguaatinillu pinngitsuuisinnaajunnaarnermut aamma atornerluisuunermut katsorsaavik Allorfik, nammineq sullissivimmini sullitanut, katsorsartikkusuttunut, suliaasaqarfimmili inatsisinut ilaanngitsunut katsorsaansamik neqeroorsinnaavoq.

1) Allatsinneq aamma kajumissaarineq	4.000,00 kr.
2) Katsorsaaneq	6.500,00 kr.
3) Katsorsaanerup kingorna	5.200,00 kr.
4) Qanigisaasunik katsorsaaneq	4.000,00 kr.

### **Kapitali 6**

#### *Innarluutilinnut kamiit*

§ 7. Innarluutilinnut kaminnik akiligassat ilaat nammineq akiligassat, tak. nalunaarummi § 9, imm. 1-imi, 530,00 kr.-inut aalajangerneqarput.

### **Kapitali 7**

#### *Kontaktlinsenut tapiissutit*

§ 8. Kontaktlinsenut tapiissutit, tak. nalunaarummi § 16, kontaktlinsenut manngersunut ullormut akiusumut aalajangersarneqassapput.

### **Kapitali 8**

#### *Ikiutaagallartumut qularnaveeqqut*

§ 9. Ikiutinik attartortitsigallarnermi qularnaveeqqutit ima akilersinneqartarput, tak. nalunaarummi § 17:

1) Kørestoli elektromotoreqanngitsoq	150,00 kr.
2) Kørestoli elektromotorilik	300,00 kr.
3) Napparsimmavimmi siniffik madrasilik	300,00 kr.
4) Ikiuutit allat	100,00 kr.

*Imm. 2.* Ikiuutit attartortinneqartut tигunerani isikkuisut utertinneqanngippata peqqinnissaqarfik ikiuutit attartortitat nalingisa appariaataasa nalinganik taarsiivigineqarnissamut piunasaqaateqarsinnaavoq.

## Kapitali 9

*Nakorsaataasivinnik aamma nakorsaatinut toqqorsivinnik allanik nakkutilliineq immeeqqinnerlu*

§ 10. Nakorsaataasivinnik nakkutilliinermut immeeqqittarnermullu akiusoq aalajangersarneqarpoq tak. nalunaarummi § 22. imm. 2 naapertorlugu. Peqqinnissaqarfimmi sulisut nakkutilliigaangata immeeqqikkaangatalu pisinermi aki kiisalu allaffissornermut tapiissuteqaat 100 %-iusoq akilersinneqartarput.

*Imm. 3.* Sinerissami sinerissallu avataani suliaqarnernut atatillugu nakorsaataasivinnik aamma nakorsaatinik toqqorsivinnik pisaaqqittoqartassaaq, pisuni taakkunani peqqinnissaqarfik immeeqqillunilu nakkutilliineq ajormat. Nakorsaataasivinnik aamma nakorsaatinik toqqorsivinnik nutaanik piseqqinnermi akiusoq ullormi akiusoq atuuttoq naapertorlugu naatsorsorneqartarpoq.

## Kapitali 10

*Unitsitaanani katsorsartinneq, peqqissutsimik inummillu misissuinerit, laboratoriami sullissinerit il.il.*

§ 11. Peqqinnissaqarfimmi pisortaniluunniit oqartussaasuni atorineqartussanik peqqinnissaqarfik sinnerlugu sullissinernut akiusut matuma kingulianiittut aalajangersarneqarput, tak. nalunaarummi § 23, imm. 1-3 aamma § 24;

1. Laboratoriami sullissinerit, ataaseq	2.000 kr.
2. Imerkik misissuineq, ataaseq	2.500 kr.
3. CT-scanning	3.000 kr.
4. MR-scanning	10.000 kr.
5. Tarrarsortitsineq	1.800 kr.
6. Pinerlussimanermi nakorsat inummik misissuinerit	Sulisut tiimimut akiat
7. Nakorsaatinik tunisineq	Pisinermi aki + 25 %

*Imm. 2.* Kalaallit Nunaanni imermik misissuinerimut akiliisitsisoqarneq ajorpoq, erngup pitsaassusaa aamma imermik pilersuiffiit nakkutigineqarneri pillugit malittarisassat atuuttut naapertorlugit.

*Imm. 3.* Sullissinerit tak. § 11 imm. 1, Danmarkimi imaluunniit nunani allani ingerlanneqartut akiligassatigut akilerneqartarput.

§ 12. Politiinut, pinerluttunik isumaginnittoqarfimmut aamma eqqartuussiveqarfimmut pinerlussimanermi nakorsat misissuinerinut akiusut aalajangersakkat, tak. nalunaarummi § 23, imm. 1 aamma 2, Kalaallit Nunaanni Nakorsat Peqatigiiffianni akigititani atuuttuni ersipput.

§ 13. Inuinnaat, pisortani oqartussaasut aamma suliffeqarfiit namminersortut atugassaannik peqqissutsimik misissuinerinut akiusut aalajangersakkat, tak. nalunaarummi § 23, imm. 1, Kalaallit Nunaanni Nakorsat Peqatigiiffianni piffissami akigititani atuuttuni allassimapput.

## Kapitali 11

*Journalinik takussutissiineq*

§ 14. Oqartussaasunut assigisaannullu, allat sinnerlugit napparsimasut journaliinik il.il. takunnissinnaanermut qinnuteqartunut akigititat tulliuttut aalajangersarneqarput, tak. nalunaarummi § 25:

1) Journalip assilineranut akigititaaq	110 kr.
--	---------

2) Kalaallit Nunaata iluani allakkatigut nassiussinermut akigititaq 50,00kr.

*Imm. 2.* Kalaallit Nunaata avataanut nassiussinermi frimærkiliussaak akilerneqassaaq aamma nassiussinermut aki 25,00 kr.-iusoq akilerneqassalluni.

## **Kapitali 12**

### *Sullissinernik tunisineq*

§ 15. Nerisassat peqqinnissaqarfiup tunniussai pillugit akiusut matuma kinguliani allassimasut nalunaarummi § 26, imm. 1 naapertorlugu aalajangersarneqarput:

- |  |            |           |
|--|------------|-----------|
| 1) Ullaakkorsiutit                               | 25,00 kr.  |           |
| 2) Ullup-qeqqasiutit aamma unnukkorsiutit        |            | 50,00 kr. |
| 3) Ulloq tamaat nerisaqarneq, nerinerit pingasut | 115,00 kr. |           |

*Imm. 2.* Imm.1-imi akit taaneqartut nerisassanut peqqinnissaqarfimmi piareersarneqarsimasunut taamaallaat atuupput. Nerisassat peqqinnissaqarfimmut tunisassiortumit piareersarneqarsimasut pillugit tunisassiortup ullormut akigititai naatsorsorneqartarput.

§ 16. Pisortani suliffeqarfimmut peqqinnissaqarfiup errorsinermik sullissineranut akigititat nalunaarummi § 27, imm. 1 naapertorlugu matuma kinguliani allassimasutut aalajangersarneqarput:

- |                         |           |
|-------------------------|-----------|
| 1) Errorsineq, kg.-mut  | 35,00 kr. |
| 2) Manissaaneq, kg.-mut | 25,00 kr. |

### *Akinut iluarsineq*

§ 17. Kaajallaasitaq ukiumoortumik akinut iluarsivigineqartassaaq, taamaasillutik akiusut akit akissarsiallu ineriartornerannut nalinginnaasumut malinnaassammata.

### *Atuutilerfia*

§ 18. Kaajallaasitaq 1. januar 2018-imi atuutilerpoq.

*Imm. 2.* Tamatuma peqatigisaanik peqqinnissaqarfimmi sullissinernut atatillugu kaajallaasitaq nr. 17, 1. januar 2014-imeersoq atorunnaarsinneqarpoq.

Namminersorlutik Oqartussat, ulloq 23. november 2017

Tine Pars

